



**Solempnita  
Gorseddh Berdh Kernow  
2020**

**Ceremony  
of the Gorsedd of the Bards  
of Cornwall  
2020**

## Ordenal an Orsedh

### 1 Bardh Meur

### 2 Korn Gwlas, gans Gwarnyans an Orsedh ha'y Geryow Arwodh

*Arwodhvardh, dhe'n Kernyas:*

Dhe Gernow, Kernyas, hwyth dha Gorn,  
may kwarnir hy feswar sorn

*Ena an Kernyas a hwyth dhe'n peder rann a Gernow, ha leverel dhe  
bub kwartron yn y darn:*

Kernow an Howldrevel, klew galow an Orsedh!  
Kernow a'n Barth Dhyghow, klew galow an Orsedh!  
Kernow an Howlsedhes, klew galow an Orsedh!  
Kernow a'n Barth Kledh, klew galow an Orsedh!

**Wosa pub galow, an Verdh oll a gri: Klew!**

**Bardh Meur.** Gorsedh Berdh Kernow! An Gwir erbynn an Bys!  
Kernow, Kres ha Kerensa!

### 3. Pysadow an Orsedh

Ro, a Dhuw, dha With,  
Hag yn Gwith, Nerth,  
Hag yn Nerth, Skians,  
Hag yn Skians, Godhvos,  
Hag yn Godhvos,  
Godhvos an Ewn,  
Hag yn Godhvos an Ewn, y Gara,  
Hag a Gara, Kara pub Bewnans,  
Hag yn pub Bewnans Kara Duw:  
Duw ha pub oll Dader.

### 4. Garm Kres kyns Ygeri an Orsedh

**Bardh Meur.** Unweyth orthowgh y hwovynnav: Eus Kres?  
**Gorthyp. (An Verdh oll)** Kres!

**Bardh Meur.** Diwweyth orthowgh y hwovynnav: Eus Kres?  
**Gorthyp. (An Verdh oll)** Kres!

**Bardh Meur.** Teyrgweyth orthowgh y hwovynnav: Eus Kres?  
**Gorthyp. (An Verdh oll)** Kres!

**Bardh Meur.** A-ban eus kres, deun ni ytho yn-rag.  
A-dherag an Howl, Lagas an Jydh, an Orsedh yw ygerys.

## 5. Kovheans Eseli eus Tremenys

**Kannas Bardh Meur.** Ha ni arta kuntellys war-barth, gwiw  
yw perthi kov a'ga kowetha neb re avodyas a'n bys ma  
a-dheragon dres an vledhen eus tremenys: owth  
aswon dhe Dhuw meur ras a'y Nerth, a'y Skians hag a'y  
Gerensa, dredha may ros Gweres dhedha ow kul aga  
ober rag Kernow, ha'y bysi a ri dhe'n teyluyow morethek  
y With truedhek, keffrys ha dhyn ni a dal gwella gyllyn  
wosa hemma kollenwel aga le.

Aga henwyn yw-

## 6. Kan: Hayl dh'agan Mammvro

Hayl dh'agan Mammvro! - Ker veur a'gan rydhses,  
Klew prest dha fleghes a gan kerensa dhis,  
Heb oos dha splander – an flamm Keltek golow.,  
On ni oll gothus a'n golewder a'th hanow.

Gwelewgh an tekter – an kres war Hal Bodmen,  
Marghogewgh tardh mor war tu ha'n treth Sennen;  
Chersyewgh gans dorn krev karregi war Drenkromm,  
Kenewgh Trelawny Bras heglew gans kolon domm.

Hayl dh'agan Mammvro! - ahanas on ni rann,  
Y'gan kolonnow a rydhses golow splann,  
Ynni ha hembronk – gans gallos lanow ni,  
Erbynn an jydh a dreylyans roy dha nerth dhyn ni.

## 7. Degemeryans Berdh Nowydh

**Kledhevor:** A vynnough hwi ti war an kledha ma bos lel dhe Gernow agan kenedhel geltek?

**Berdh nowydh:** Ni a'n te

**Bardh Meur** Yn lowen ni a'th tegemmer

yn mysk Berdh Gorsedh Kernow

## 8. Riansow

Aswonvos a Verdh gans gonis hir.

## 9. Kledha Myghtern Arthur

**Kannas Bardh Meur.** An als hwath Arthur a with,  
Yn korf Palores yn few:  
Y Wlas hwath Arthur a biw,  
Myghtern a veu hag a vydh.

**An Verdh oll.** Nyns yw marow Myghtern Arthur!

## Bardh Meur

Ottomma Kledha eus yn le Kalespulgh, Kledha Myghtern Arthur, a dheuth dhyworth an Logh, ha dhe'n Logh eth arta. A vynnough hwi ti warnodho bynitha bos lel dhe Gernow, agan Mammvro?

**An Verdh Oll.** Ni a'n te!

## 10. Kan: Bro Goth Agan Tasow

Bro goth agan Tasow, dha fleghes a'th kar  
Gwlas ker an Howlsedhes, pan vro yw dha bar?  
War oil an norvys 'th on ni skoollys a-les,  
Mes agan kerensa yw dhis.

Kernow! Kernow! Y keryn Kernow;  
An mor hedra vo yn fos dhis a-dro  
'Th on "Onan hag oll" rag Kernow.

Gwlaskor Myghtern Arthur, an Syns kyns, ha'n Gral,  
Moy kerys genen nyns yw tireth aral,  
Ynnos sy pub karn, nans, menydh ha chi  
A gews yn Kernewek dhyn ni.

Kernow! Kernow! Y keryn Kernow;  
An mor hedra vo yn fos dhis a-dro  
'Th on "Onan hag oll" rag Kernow.

**Peub a Gri:** Kernow bys vykken!

## 11. Garm Kres kyns Degea an Orsedh

**Bardh Meur.** Unnweyth orthowgh y hwovynnav:  
Eus Kres?

**Gorthyp. (An Verdh oll)** Kres!

**Bardh Meur.** Diwweyth orthowgh y hwovynnav:  
Eus Kres?

**Gorthyp. (An Verdh oll)** Kres!

**Bardh Meur.** Teyrgweyth orthowgh y hwovynnav:  
Eus Kres?

**Gorthyp. (An Verdh oll)** Kres!

**Bardh Meur.** Diwedhys yn Kres yw an Orsedh. Yn Kres lemmyn  
omdennyn, hag yntredhon re bo Kres erna dhyffyn arta war-barth.